



Grad Tuzla, u okviru provedbe Projekta „Partnerski pristup lokalnom razvoju Tuzla“, kojeg podržava Međunarodna organizacija rada (u daljem tekstu: MOR) uz finansijsku podršku Evropske unije i Grad Tuzla, u skladu sa Sporazumom o implementaciji broj: 40371658/0, od 01.04.2022. godine, o b j a v l j u j e:

JAVNI POZIV NEZAPOSLENIM OSOBAMA IZ TUZLE

da se prijave za učešće u programu prekvalifikacije nezaposlenih osoba za deficitarna zanimanja prema iskazanim potrebama tržišta rada na području grada Tuzle

I

U cilju jačanja zapošljivosti na području grada Tuzle, Grad Tuzla, kao glavni partner na Projektu „Partnerski pristup lokalnom razvoju Tuzla“ (u daljem tekstu: Projekat), poziva nezaposlene osobe iz Tuzle, prijavljene na evidenciju Biroa za zapošljavanje Tuzla, da se prijave za učešće u programu prekvalifikacije za deficitarna zanimanja, utvrđena analizom lokalnog tržišta rada, s ciljem sticanja kvalifikovanog znanja radi lakšeg pronalaska zaposlenja kod poznatih poslodavaca, članova Lokalnog partnerstva za zapošljavanje Tuzla, formiranog u okviru provedbe navedenog Projekta.

II

U smislu ovog Javnog poziva prekvalifikacija je obrazovanje u kojem nezaposlena osoba stiče znanja i vještine za drugo zanimanje u odnosu na zanimanje koje posjeduje.

Ovim Javnim pozivom bit će obuhvaćeno po 10 nezaposlenih osoba u svakom od Projektom predviđenih programa prekvalifikacije, i to za sljedeća stručna zanimanja:

- Zidar10 nezaposlenih osoba,
- Električar 10 nezaposlenih osoba,
- Zavarivač 10 nezaposlenih osoba.

Prekvalifikacija za zanimanja iz prethodnog stava vršit će se u javnim ustanovama za srednjoškolsko obrazovanje u Tuzli, koje posjeduju i koje provode certificirane programe stručnog usavršavanja odraslih, u skladu sa Zakonom o obrazovanju odraslih („Službene novine Tuzlanskog kantona“, broj 9/15), i to za:

- zanimanje, zidar, u JU Mješovita srednja građevinsko-geodetska škola Tuzla,
- zanimanje, električar, u JU Mješovita srednja elektrotehnička škola Tuzla,
- zanimanje, zavarivač, u JU Mješovita srednja mašinska škola Tuzla.

III

Nezaposlenim osobama odabranim putem ovog Javnog poziva Grad Tuzla će ugovorom dodijeliti bespovratna finansijska sredstva za pokriće cjelokupnog iznosa troškova prekvalifikacije, koje će posebnim rješenjem utvrditi javna ustanova za srednjoškolsko obrazovanje u Tuzli u kojoj će se realizovati program prekvalifikacije iz tačke II ovog Javnog poziva.

Finansijska sredstva iz prethodnog stava osigurana su u okviru Projekta, iz sredstava Evropske Unije.

IV

Nezaposlene osobe koje žele učestvovati u ovom Javnom pozivu dužne su uz prijavu dostaviti sljedeću dokumentaciju:

1. Popunjen i potpisan prijavni obrazac,
2. Uvjerenje Biroa za zapošljavanje Tuzla da se osoba vodi na evidenciji nezaposlenih osoba,





3. Kopiju diplome srednje škole, kao dokaz o posjedovanju određenog zanimanja, odnosno o stepenu kvalifikacije ili stepenu stručne spreme.

V

Ovaj Javni poziv ostaje otvoren 10 dana od dana objave, a zaključno sa 22.04.2022. godine. Javni poziv će se objaviti na oglasnoj ploči JU Služba za zapošljavanje Tuzlanskog kantona-Biro za zapošljavanje Tuzla, na web portalu i oglasnoj ploči Grada Tuzle i putem lokalnih elektronskih medija u gradu Tuzli.

VI

Prednost kod odabira prijavljenih kandidata u okviru ovog Javnog poziva imaju osobe mlađe od 35 godina, a rangiranje kandidata će se izvršiti prema datumu i vremenu prijavljivanja na ovaj Javni poziv.

VII

Prijave sa potrebnom dokumentacijom predaju se u zatvorenoj koverti lično ili putem pošte na sljedeću adresu:

GRAD TUZLA
ZAVNOBIH-a br. 11
(za Službu za ekonomski razvoj, poduzetništvo i poljoprivredu)

sa naznakom:

Prijava na Javni poziv za učešće u programu prekvalifikacije nezaposlenih osoba za deficitarna zanimanja prema iskazanim potrebama tržišta rada na području grada Tuzle

VIII

Prijavni obrazac za ovaj Javni poziv se može preuzeti u prostorijama JU Služba za zapošljavanje TK i u Centru za pružanje usluga građanima (šalter sala) Grada Tuzle.

IX

U slučaju bilo kakvih nejasnoća po ovom Javnom pozivu možete kontaktirati Službu za ekonomski razvoj, poduzetništvo i poljoprivredu Grada Tuzle na tel. 035 307 380.

Lokalno partnerstvo za zapošljavanje Tuzla je jedno od 20 uspostavljenih u zemlji u okviru projekta "Podrška Evropske unije lokalnim partnerstvima za zapošljavanje – Faza II" (LEP II), kojeg Evropska unija financira s 4 miliona eura, a provodi Međunarodna organizacija rada (ILO). Ovaj projekat ima za cilj da doprinese poboljšanju prilika zapošljavanja u lokalnim zajednicama dajući podršku razvoju lokalnih partnerstava za zapošljavanje kao partnerski uspostavljenih mehanizama za tržište rada koji osiguravaju pristup formalnom zapošljavanju na lokalnom nivou.

Za više informacija o projektu LEP II, posjetite www.partnerstvo.ba i kanale društvenih mreža (Instagram, Facebook, Twitter i YouTube).

